

SCRIPT OF EVENING GOJRI NEWS BULLETIN 26MAR 2026 1700HRS

اوننگ گوجری نیوز بولین 26 مارچ 2026

یوہ آکاشوانی جموں ہے محمد اشفاق تے نصرت چوہدری تیں خبر سُنو۔

HEADLINES

۱۔ وزیر اعلیٰ عمر عبداللہ نے عوام تیں اپیل کی ہے کہ ایل پی جی گیس سلینڈر تے ایندھن غی قلت تیں متعلق افواہاں ور یقین نہ کریں۔

۲۔ جموں کشمیر مالیاتی محکمہ نے مالی سال غا وخر توڑی تمام رقومات غی ادانگی بارے سخت ہدایات جاری کیا ہیں تے نال ہی حکومت نے تمام بقیہ اے پی۔ آر نانہہ ویلے سر مکمل کرن ور وی زور دتو ہے۔

۳۔ امریکہ مقیم ایک ایجسنی غا سروے غے مطابق وزیر اعظم نریندر مودی 68 فی صد منظوری لیتا واں عالمی رہنما گا طور ور سر، فہرست ہیں۔

۴۔ پارلیمانی امور گا وزیر کرن رجیجو نے کہیو جے مغربی ایشیاء گا بحران غے باوجود بھارتی معشیت جناب مودی غی قیادت مانہہ بہتر کارکردگی گو مظاہرو کررئی ہے۔

۵۔ جموں کشمیر حکومت نے عازمین حج غی مدد واسطے حج انسپکٹر غا طور ور قریب 25 افسراں نانہہ سعودی عرب مانہہ تعینات کیو ہے۔

OMAR PANIC

وزیر اعلیٰ عمر عبداللہ نے عوام نانہہ اپیل کی ہے جے وے ایل پی جی گیس تے تیل متعلق کسے وی قسم غی افواہ ور یقین نہ کریں اُن گو کہنو تھو جے مہارا کول مناسب مقدار مانہہ تیل تے گیس موجود ہے عوام نانہہ اس بارے گھبران تے پیٹرول پمپ ور پیڑھ پاڑ کرن غی لوڈ نی ہے اُنہاں نے کہیو جے اگر افواہ ور یقین کرتا واں پیٹرول پمپ ور پیڑھ پاڑ جیسو ماحول بنایو گیو تاہم اس صورت مانہہ حکام نانہہ زبردستی پیٹرول پمپ بند کرنو پے غو جناب عمر نے مزید کہیو جے عوام نانہہ صرف سرکاری ذریعہ ور یقین کرتا واں امن نانہہ برقرار رکھنو ہے۔ وے اچ دسیرہ گراونڈ گاندھی نگر مانہہ ایک دوڑ غی افتتاحی تقریب سنگ خطاب کرتا واں بول رہیا تھا اس دوران اُنہاں نے صحت غی بہتر دیکھ بھال تے تندرست رہن بارے ایسا مواقع غی اہمیت بارے وی لو کہلی۔

MARCH ENDING

مالی سال گا اختتام تیں پہلاں خزانہ غا کم نانہہ منظم بنان واسطے جموں کشمیر غا محکمہ خزانہ نے سنا سپرٹ سکیمیں غے متعلق بلاں غی کاروائی واسطے نوی تے انتہائی اہم آخری تاریخ جاری کی ہیں۔ نوا سرکاری حکم نامہ غے مطابق، ڈی ڈی۔ اوز نانہہ ہدایت دتی گئی ہے کہ وہ اپنا تمام بل 31 مارچ 2026 نانہہ تہاڑی گا 2 بجے توڑی متعلقہ خزانہ مانہہ جمع کریں۔ اس تیں بعد ٹریڈی اُن بلاں نانہہ سائبر ٹریڈری نانہہ پھیجے غو تے پھر ادانگی واسطے فائلاں نانہہ عوامی مالیاتی نظم و نسق غا نظام مانہہ شام 4 بجے توڑی اپلوڈ کرنو لازمی وے گو۔ یاہ سخت وقت غی حد، مرکزی حکومت غی ہدایات غے مطابق جاری کی گئی ہیں تانجے مالی سال غا ختم ہون تیں پہلاں تمام بقیہ، بلاں غی ادانگیں نانہہ مکمل کیو جے تے کسی وی تاخیر غی گنجائش نہ رے۔

APR

جموں کشمیر جنرل انتظامی محکمہ نے جموں کشمیر انتظامی سروس یعنی جے کے اے ایس گا افسراں غی سالانہ کارکردگی رپورٹس جمع کران مانہہ تاخیر بارے سخت مُنتنبہ کیو ہے۔ حکام گو کہنو ہے جے گزشتہ سال 2023-2024، 24-25 غی تاخیر شدہ تمام فائیلز جموں کشمیر سپرو پلیٹ فارم ور اپلوڈ کریں۔ تے سال 2023-24 غی تمام فائیل 31 مارچ توں پہلاں پہلاں مکمل ہونی چاہیے جے کہ سال 2024-25 واسطے نووں شیڈیول ترتیب دتو گیو ہے جس غو آغاز 7 اپریل

توں کیو جے غو تے 28 اپریل توں پہلاں پہلاں اعلیٰ حکام نانہہ تمام تفصیلات نانہہ ضمع کرنوں وے گو اس ضمن مانہہ عہدیداراں نانہہ ہدایت جاری کی گئی ہے جے ان تاریخاں توں بعد جہڑی وی رپوٹ نا مکمل ریں غی اُنہاں نانہہ فوری طور ور فارووڑ کیو جے گو کیونجے انتظامیہ اس بارے جوابدی تے شفافیت نانہہ یقینی بنارئی ہے۔

PM RANKING

وزیر اعظم نریندر مودی نانہہ اک بار پھر دُنیا گا مقبول ترین لیڈر گو درجو دتو گیو ہے۔ امریکہ مانہہ قائم ٹیٹا اینالیٹکس فرم، مارننگ کنسلٹ غی طرفوں کیا گیا تازہ عالمی سروے مانہہ مودی نے 68 فی صد غی درجہ بندی حاصل کی ہے۔ یوہ سروے 2 مارچ تیں 8 مارچ بشکار منعقد کیو گیو۔ اس درجہ بندی مانہہ سوزر لینڈ گا صدر گایے پرمیلن تے جنوبی کوریاں گا صدر لی جی یمنگ دوجا مقام ور رہیا۔ اس درجہ بندی گا پہلا دس لیڈراں مانہہ امریکہ صدر ڈونالڈ ٹرمپ نانہہ جگہ نی ملی ہے۔

RAILWAYS

ریلوے نے اپنا رابطہ نظام نانہہ بہتر بنان تے کوچ خودکار ریل تحفظ نظام نانہہ بکھ بکھ زمران مانہہ پھیلاں واسطے 1200 کروڑ روپیہ تیں زیادہ گا منصوبہ غی منظوری دے دتی ہے۔ وزارت ریلوے غے مطابق، ان منصوباں گو مقصد جدید فائبر رابطہ نظام تے بہتر حفاظتی اقدامات غے ذریعے ریلوے رابطہ نانہہ مضبوط بنانوں

ہے۔ وزارت نے دسیو ہے کہ دو بڑا منصوبہ نانہہ منظوری دے دتی گئی ہے جن غے تحت مرکزی ریلوے گا 5 ڈویژنل مانہہ ایک مضبوط ڈبل فائبر رابطہ کاری قائم کی جے غی۔ جس ور 600 کروڑ روپیہ تیں زیادہ غو خرچ آوے غو اس تیں علاوہ آپٹیکل فائبر جیسا نظام نصب کیا جیں غا تانجے ایک قابل اعتماد دوہرا نظام نانہہ تیار کیو جاسکے۔ اس تیں ریلوے غا کم مانہہ کسی قسم غی رُکاوٹ نی آوے غی، تے فائبر غی سہولت، کرائے ور دے غے، اضافی آمدنی وی حاصل کی جاسکے غی۔

ACCIDENT RAJOURI

اج سویرے راجوری پونچھ قومی شاہراہ گا کلر مقام ور ایک سڑک حادثہ مانہہ ڈاکٹر پرفیسر تبسم ناز، غی موت واقع ہوگئی ہے جہڑی کہ سرکاری ڈگری کالج پونچھ مانہہ اسٹینٹ پروفیسر گا طور ور اپنی خدمات انجام دے رئیں تھیں۔ اُن غے نال اس حادثہ مانہہ اُن گا خاوند شدید زخمی ہوا ہیں جنہاں نانہہ فوری طور اسپتال پرتھی کیو گیو ہے۔

PARLIAMENTARY MINISTRY

پارلیمانی امور گا وزیر کرن راجیو جو نے کہیو ہے جے مغربی ایشیا گا جاری بحران غے باوجود وزیر اعظم نریندر مودی غی قیادت مانہہ بھارت غی معشیت متی اچھی کارکردگی گو مظاہر کررئی ہے اُنہاں نے اج نویں دلی مانہہ ایک اجلاس سنگ خطاب کرنا وان کہی وجے بھارت اپنی توانائی گا وسائل خاطر دوجہ ملکاں ور منحصر ہے تے اس غے نال ہی وہ اپنی توانائی گا بحران نانہہ بہتر طریقہ کار سنگ نمڑ رپیو ہے۔ وزیر موصوف نے کہی وجے بھارتی بحری جہاز اُبنائے ہر منر توں محفوظ طریقہ سنگ گزرتا رہیا ہیں جہڑا بھارت گا مضبوط سفارتی تعلقات غی عکاسی کریں۔ اُنہاں نے مزید کہیو جے وزیر اعظم نریندر مودی عالمی رہنماواں بشمول ایرانی صدر اسرائیلی وزیر اعظم تے امریکی صدر سنگ برپور رابطہ مانہہ ہے۔

HAIJ

جموں کشمیر حکومت نے حج 2026 غے دوران عازمین حج غی مدد کرن واسطے قریب 25 افسراں تے اہلکاراں نانہہ سعودی عرب مانہہ تعینات کیو ہے یوہ فیصلو بھارتی حج کمیٹی گا کیا گیا انتخاب توں بعد لیو گیو ہے۔ حکم غے مطابق عہد یداراں نانہہ عارضی طور ور جدہ مانہہ

بھارتی کنسلٹیٹ جنرل مانہہ تعینات کیو جے غو، جت وے ریاستی حج انسپکٹر گا طور ور
فرائض انجام دیں گا۔ تے حج غے دوران یوٹی جموں کشمیر توں آن آلا عازمین حج واسطے
ضروری تعاون تے رابطہ کاری نانہہ یقینی بناویں گا۔

AMBEDKAR COMMITTEE

بھارت غا آئین غا معیار تے بھارت رتن ڈاکٹر بہیم راؤ امبیدکر، غی آن آلی یوم پیدائش جہیڑی
14 اپریل نانہہ منائی جے غی، اُس دن غا مواقع ور اج بڑی براہمنہ مانہہ ڈاکٹر بہیم راؤ
امبیدکر، ایجوکیشن سوسائٹی غی جانب تیں ایک شاندار ریلی غو اہتمام کیو گیو۔ اس موقع ور دہلی
تیں سماجی کارکن تے ماہر نفسیات ڈاکٹر ریتو سنگھ نے بطور مہمان خصوصی غا طور ور
شرکت کی تے ریلی نانہہ روانہ کیو۔ یوہ جلوس بڑی براہمنہ بازار تیں گزرتو وو سرور پُجیو،
تے آخر مانہہ دوبارہ تیں بڑی براہمنہ غا امبیدکر بھون مانہہ اختتام پزیر ہوو۔ انہاں نے خواتین
تے نوجواناں تیں اپیل کی ہے کہ وہ اس طرح غا پروگراماں مانہہ بڑھ چڑھ غے حصو لیو۔ اس
بارے گل کرتا واں، ڈاکٹر ریتو سنگھ، سماجی کارکن و۔ ماہر نفسیات نے اس طرح تیں کہیو۔-----

PASSPORT MELA

وزارت خارجہ بھارتی حکومت غی جانب تیں ترے روزہ موبائل پاسپورٹ وین، کیمپ غو اختتام
اج ضلع راجوری مانہہ ہوو۔ اس کیمپ غی نگرانی وزارت خارجہ غا خصوصی افسر، سنیل کھر
نے کی۔ اس غو مقصد راجوری تے پونچھ ضلع غا رہائیشاں نانہہ اُن غا کھر غے قریب
پاسپورٹ غی سہولت فراہم کرنو تھو۔ کیمپ غے دوران تقریباً 150 پاسپورٹ درخواستاں گا سلاٹس
مختص کیا گیا تے کامیابی غے نال انہاں نانہہ مکمل کیو گیو، جس مانہہ بڑی تعداد مانہہ لوکاں
نانہہ فائدو پُجیو ہے۔ اس بارے گل کرتا واں سنیل کھر نے اس طرح کہیو۔-----

WEATHER

محکمہ موسمیات غی پیشن گوئی غے مطابق جموں کشمیر مانہہ اج تیں بارشاں گو سلسلو شروع
ہو جے غو۔ یاد رہ جے 28 مارچ توڑی عام طور ور موسم ابرالود رہن غی توقع ہے تے گرج
چمک غے نال ہلکی بارش گا امکان ہیں۔ جد کہ 29 تیں 31 مارچ غے بشکار میدانی علاقاں مانہہ
درمیانہ درجہ غی بارش تے اُچا علاقاں مانہہ برف باری ہو سکے۔ واضح رہ جے اس دوران
50 کلو میٹر، فی گھنٹہ غی رفتار سنگ بواواں چلن گی پیشن گوئی کی گئی ہے۔ اس ضمن
مانہہ حکام نے عوام نانہہ محتاط رہن بارے کیو ہے۔
